

# L E B H I T I C U S.

sìth: agus loisgidh an fagart iad air altair na h-ìobairt-loisgte.

11 Agus feiche<sup>a</sup> an tairbh, agus fheoil uile, maille r'a cheann, agus maille r'a chasan, agus a mhionach, agus a ghaorr<sup>b</sup>,

12 Eadhon an tarbh gu h-iomlan giùlainidh e mach an taobh a muigh do'n champa gu h-ionad glan, far an dòirtear<sup>c</sup> a mach an luath, agus loisgidh e air an fhiodh e le teine: far an dòirtear a mach an luath, loisgear e.

13 Agus ma pheacaicheas coi'-thional Israeil uile tre aineolas, agus gu bheil an ni folaichte o fhùilibh a' cho'-chruinnich, agus gu'n d'rinn iad *ni-eigin<sup>d</sup> 'an aghaidh* a h-aon sam-bith a dh'aith-eantaibh an Tighearna, *a thasbh nithe* nach bu chòir a dheanamh, agus gu bheil iad ciontach:

14 An uair a bhios am peacadh a pheacaich iad 'na aghaidh aithnichte, 'an sin bheir an co'-chruinneach feachad tarbh òg air son a' pheacaidh, agus bheir iad e fa chomhair pàilluin a' choi'-thionail.

15 Agus cuiridh feanairean a' choi'-thionail an làmh an ceann an tairbh 'an làthair an Tighearna: agus marbhar an tarbh 'an làthair an Tighearna.

16 Agus bheir an fagart a chaidh ungadh *cuid* do fhuil an tairbh gu pàilluin a' choi'-thionail.

17 Agus tumaidh an fagart a mheur *ann an cuid* do'n fhuil, agus crathaidh e i feachd uairean 'an làthair an Tighearna, fa chomhair an roinn-bhrait.

18 Agus cuiridh e *cuid* do'n fhuil air adhaircibh na h-altarach a *ta* 'm fianuis an Tighear-

na, a *ta* ann am pàilluin a' choi'-thionail, agus dòirtidh e mach an fhuil uile aig bun altarach na h-ìobairt-loisgte, a *ta aig* doras pàilluin a' choi'-thionail.

19 Agus bheir e air falbh a fhaill uile uaith, agus loisgidh e i air an altair.

20 Agus ni e ris an tarbh mar a rinn e re tarbh na h-ìobairt-pheacaidh, mar sin ni e ris: agus ni an fagart réite air an son, agus bheirear maitheanas dhoibh.

21 Agus bheir e mach an tarbh an taobh a muigh do'n champa, agus loisgidh se e mar a loisg e 'n ceud tarbh: is ìobairt-pheacaidh e air son a' cho'-chruinnich.

22 'Nuair a pheacaicheas nach-datan, agus a ni e *ni-eigin* tre ain-eolas 'an aghaidh a h-aon sam-bith a dh'aith-eantaibh an Tighearna a Dhé, *a thasbh nithe* nach bu chòir a dheanamh, agus gu bheil e ciontach:

23 Ma thig a pheacadh, a pheacaich e, g'a fhios; bheir e leis *mar* a thabhartas meann do na gabhruibh, *beathach* firionn gun ghaid.

24 Agus cuiridh<sup>e</sup> e a lamh air ceann a' mhinn, agus marbhaidh se e 'an ionad anns am marbh iad an ìobairt-loisgte<sup>f</sup> ann an làthair an Tighearna: is ìobairt-pheacaidh e.

25 Agus gabhaidh an fagart *cuid* do fhuil na h-ìobairt-pheacaidh le mheur, agus cuiridh e i air adhaircibh altarach na h-ìobairt-loisgte, agus dòirtidh e mach a fuil aig bun altarach na h-ìobairt-loisgte.

26 Agus loisgidh e a faill uile air an altair, mar a *loisgear* faill ìobairt